

故宮
珍本
集刊

世經堂集·睦東蓀集

第一冊
共二冊



故宮博物院編 海南出版社

故宮珍本叢刊第 539 冊明代詩文別集

故宮博物院編

世經堂集

睦東蓀先生集

第一冊（共二冊）

海南出版社

圖書在版編目(CIP)數據

大明太宗皇帝御製集/(明)成祖撰。—影印本。—海口:海南出版社,2000.10
(故宮珍本叢刊)

本書與“重刻徐幼文北郭集/(明)徐賁撰”等29種書合訂

ISBN 7-80645-747-X

I.大… II.成… III.文學—作品綜合集—中國—明代 IV.Z121.7

中國版本圖書館CIP數據核字(1999)第68755號

故宮珍本叢刊第539冊

明代詩文別集

世經堂集 睦東蓀先生集

第一冊(共二冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路2號 郵政編碼:570216

湖南省新華印刷三廠印刷

湖南省長沙市韶山路158號 郵政編碼:410004

本書正文用紙由金城造紙(集團)有限責任公司生產

*

2000年10月第1版 2000年10月第1次印刷

開本:787×1092毫米 1/16 印張:28.75 印數:1-400冊

ISBN 7-80645-747-X/Z·25

定價:2670元(明代詩文別集30種共16冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

康熙二十二年重刊

太師徐文貞
公在經堂集

世經堂集序

夫立所稱文章功業不並
著而論者至偏舉以各取
重不兩擅也置昂抑其間
其然乎蓋嘗考觀古昔士

序

一

修詞者篤藝而不逢辰以
其言名一家稱宗鉅矣而
績業無聞廊廟之士偉建
監究其成於事功也而詘
於論譔若是者亡論已迺

若逢世顯庸樹勛業於時

至掀揭矣而以其言滌蔽

猷暮潤色當世則固有鼎

彝其勲伐而琬琰於言辭

者惟其能言而掩於功業

序

二

與究其功業之成而不專
於言不自列於作者誠有
之然持是而謂二者殊致
不兩至而俱能也此何以
云哉唐虞之臣方其都俞

唯諾於一堂之上著之言

辭矣而康事熙績因之以

載道德功業於其間斯不

可以會睹其全也哉竊嘗

因是以觀于今少師存齋

序

三

徐公矣公自弱冠登上第

列職史氏翱翔著作之庭

已抗疏歷外游敷顯序皆

文章禮樂之任其得專於

言宜矣及公踐列卿入正

台鼎司政本以

肅皇帝神聖臨御久執政者奉

大議不遑給也會其時南北

警報至數

札下公公條荅不移頃奏入

序

四

無不中事宜以當

上意而其尤著者

穆皇帝初元公定策圖議國事

稍更弦轍以新

上治理今勸進諸章與論奏制

草具在可覆也夫以公碩

德元老厯事

兩朝其勛業之大著廊廟而被

天下者固顯顯注人耳目

奚俟求公於言其

序

五

召對造膝入告密勿者世亦

未能盡知其言方其勞於

弼贊專精神以計

社稷何論著述若又不遑於言

也今觀公論議上自經濟

下迄酬應鴻鉅纖曲體裁

各備亦何其閱覽博肆而

言之贍耶公蓋邃詣淵蓄

自其潛究名理達識政體

其大者既以措之事業矣

序

六

而出其餘以有言也故公

之文其議事決策迎解曲

中則運斤承蜩其緣情體

物藻思芊縟則琲聯璧拱

而不事鎔琢意象瀟泊則

黃鍾太羹至其醇厚爾雅
春容紆徐則冠冕佩玉端
委而雍肅也蓋蔚乎廊廟
之文以宣

治朝之盛者非耶故論者謂

序

七

公當具瞻之任舉鼎彝之
勛不專於言而言之有以
載經綸之迹以其言之成
也而未嘗掩於其功業之
大美盛並著以語夫作者

之全也斯不可以當公也
哉公自解機務歸不忘著
述思昔勤勞國事未遑也
曰自余為執政所圖議一
二大政即國有掌記而刻
藏焉其寧使無存因并其
前後積而為言者以屬梓
梓成則公嗣太常君偕二
弟尚寶君屬序聲聲為公
鄉邑後進又嘗執筆從史

氏後於公之著作窺見一
二故論次其大都若此迺
若公文章事業識其大以
司論譔者有海內名家在
聲不佞何敢言序公集為

序

九

奏對為視草為奏疏為序
記碑志雜著語錄古今詩
類次之凡若干卷而總題
曰世經堂集公所自命也
賜進士出身資政大夫禮部

尚書兼翰林院學士

經筵官

實錄副總裁邑後進陸樹聲謹

序

序

十

世經堂集序

世經堂集者何今致政少
師元輔華亭徐公著也堂
者何公所憇止也其名世
經者何公世世以經重名

序

十二

之志不忘也公所著有

奏對有視草有

奏疏有序有記有志有銘有

墓表有碑有論有策有說

有辯有對有解有引有原

有跋有贊有銘有規有祭

文有書有賦有頌詩有古

近體為卷凡二十六公之

諸子太常君輩鳩而梓之

家塾以世貞之辱公知也

序

十三

獲卒業焉凡八閱月而始

敢效一言於末簡曰於戲

盛哉蓋自古之言文者莫

吾夫子若而其大要曰辭

達而已矣又曰文明以止

文於天地間有二其達者
為經世止者為垂世而雕
蟲之技不與焉可大之謂
達可久之謂止其用雖二
其原一而已矣當公為諸

序

十三

生而受經即以經明顯試
南宮遂魁其經射策金馬
即以其策魁天下天下豔
於得公之辭而公于時亦
不能遽無意於工拙以故

其文足宏麗而哲體裁及
其慨然有志斯道卷取灑
洛閩粵之說融會於心神
而躬驗之既涉其津而舍
其筏以為破支離則道與

序

十四

器融而無間破藩籬則物
與我融而無間其所結撰
若講筵之沃

君講席之示弟子皆務摘其
精實而竟吾所詣而已即

天下後世不能盡舍公之
華以為操觚者法而要之
談性命而約於公之止泥
倫物而企於公之止者孰
能外也公既思以其學濟

序

五

天下而其在史館時用持
先聖曲得謫外公不卑厭
小官諸郡邑土風吏治靡
不以身試之而大者若

國家典故名公政績下上數

百千年之史而與之叅會
歛而融之方寸之際而亡
罅閼苟有所觸則功與言
一發而俱就今亡論他文
即

序

六

肅廟之有

顧問咸取諸倉卒度不能無
喜怒而公或剴言以繩之
正或婉言以誘之道化投
石為轉圜代

言之草摘繁洞括使河西吏

人以為明見萬里之外山

東父老顧少湏臾無死以

待德化

人主之德日顯而

序

十七

國體尊乃至部疏覆覈根理

據事有敬輿之精而不為

俳諸報藩鎮郡國書牘衡

勢審機有文饒之練而絀

其倨其它誌銘碑表之類

提綱絜矩有孟堅之則而

超其識公之文所謂達者

其效至於真

社稷潤生民而一旦讓跡於

得序歛而歸之無何有之

序

十八

鄉天下徒知嘉隆之際取

治於公公不明其所以而

庶猶有可窺見者茲集在

也竊聞之

泰陵之季太和至順磅礴蒸

發之為獻若文

天子又時時籲天以求真才而
公始生而應之積至於嘉
隆而後人文之化成於戲
盛哉其亦不易哉昔蘇文

序

十九

忠有云言有大而非誇達
者信之衆人疑焉今夫崐
崙之原湛如耳而日疲派
浸于百川水而舟陸而耕
食者炊飲者汲其用常足

而其體不少損蓋公集行

而後之君子有能潛心以
求夫所謂經世垂世者固
隨手俱滿也即不佞言雖
大誰得而以夸疑之是為

序

二十

序

鄉後學王世貞撰



重刊文集誌

先太師文貞公立朝相業炳諸史冊至今昭然在人耳目
間所刻全集傳世已久海內藏書家奉若明寶歷年既
遠中更兵燹原板散佚十已八九所僅存者亦復字蹟
漫漶甚至不可別識有餘編目惻然恐前人手
泯沒而不傳也遂于戊午冬率男禹鼎等拾遺檢失起
勉庀工重加校鐫閱四載而始告成計補刻共一千一
百餘頁其間魯魚亥豕咸請正于玉峯諸叔父然後
付梓今既竣事庶幾于立德立功之外復流傳所立之
言以令先文貞三不朽云爾幸逢

聖朝纂脩明史

詔收遺書倘蒙

轍下 鉅公採擇一二俾相得益彰前徽彌著予小子私

心額手竊有厚望焉

告

康熙辛酉歲嘉平月穀旦家孫仝率男禹鼎百拜謹識

前特進柱國榮祿大夫太子太傅左軍都督府左
都督澹寧徐公傳

明嘉隆間華亭徐文貞相國當朝最久功在社稷生
民咸賴其休德澤綿延保世滋大四傳至太傅澹寧
公以蔭歷歷典三朝禁旅扈從警蹕位躋宮傳忠貞
體國廉潔守身寵辱不驚終始如一能紹前人之遺
烈而光大之信一代偉人哉先文肅公爲先長姑相
攸議公於髫歲亟器爲遠人不凡余幼時每隨先大
傳

夫過從聆其聲咳沉靜端和有大臣之度今論定垂
五十年而景仰風徽昭著如昨壬申孟秋表弟霄賓
公仝亦棄世表姪禹疇榮疇欽疇等恪遵遺命徵文
於余遂次其生平以爲之傳俾探風者得所考據焉
公諱本高字維嶽號澹寧爲文貞公四世家孫曾祖
仰齋公璠歷官太常寺卿祖寅陽公元春繇甲戌進
士亦終太常寺正卿父台室公有慶臨錦衣衛世襲
官南鎮撫司使皆以公貴贈榮祿大夫太子太傅始

台室公艱于嗣萬曆辛卯梁夫人始舉公甫三歲台室公暴卒于秣陵寅陽公鍾愛公四歲告襲世職神廟念文貞有宗社功卽在籍賜冠帶給全俸殯祔中邀特恩蓋異數也越三載寅陽公謝世族人憑陵攫子毀室賴祖母朱太夫人提攜保護之陳徵君仲醇爲公求婚於先文肅公遂以先長姑配焉萬曆庚戌公弱冠比試入式授錦衣衛左所千戶時承平日久同僚皆酣飲不治事公獨兢兢奉職首捕緇流聚

傳

二

黨盜鑄者置之法以功升指揮僉事巡視中城克稱厥職辛亥選授侍衛東宮時國本幾搖動公劾愆周防誠謹不少懈光宗立以潛邸勞升指揮同知上發帑金六十萬慰賜遼左軍士特簡公往督臣文球循例以六千金爲壽公却之三軍焚香羅拜歡聲雷動熹宗登極升指揮使掌南鎮撫司印經理馬政自神廟以來同事廢弛公悉心經理校人皆頌德焉熹廟大婚公董結綵樓大瑞上其費計二萬餘金異

冒破羨餘以餽公拒之費不及半而事集瑞怒遂恡其賞督理定陵升都指揮僉事閤嫡母沈太夫人訃哀痛乞歸守制故事錦衣典禁旅例同武臣公獨得持三年喪亦曠典也服闋還職監修都城門功成獨先升都指揮同知皇子生進都指揮使督造鹵簿工竣升左軍都督府都督僉事公廉慎勤敏如綵樓陵工城工鹵簿諸役咸費省而工良其盡心國事如此時逆璫魏忠賢勢張其同官田許輩皆爲假子望塵

傳

三

跪拜公獨抗禮不屈璫心銜之爾耕輩欲建璫祠于馴象所公毅然曰此祖宗制地不可私廢衆憚公言正而止僚屬傳應星亦璫假子張樂會飲公命梨園演逆瑾故事以諷璫聞恨公益深會楊左諸公下詔獄撈掠備至絕飲食公陰遣以良藥及糗餌璫偵知益甘心公時樞部以公資望深請進秩堂上僉書璫積不能平遂矯旨斥爲東林門戶削職歸密遣邏卒尾後購公陰事以報弗得是時公布袍策蹇囊橐蕭

然璫亦心折公廉慎而止 思宗嗣統忠賢伏誅衛
中及樞部交薦公稱公勁節彌昭亟請優擢以振正
人之氣得旨召復原官加堂上僉書仍管南司印二
年以扈從郊祀及幸學大典著勞升都督同知提督
街道房事本年冊立東宮升左軍都督府左都督公
爲沈梁兩太夫人籲請建雙節坊詔可 是年冬都城
被兵公守彰義門聞命卽聚薪環室謂我姑曰我家
世受國恩誓一死以報設有不測亟盡室自焚我姑

傳

四

泣諾亦以忠義相勉公晝夜巡視四十餘日不稅甲
及圍解以功加太子太保督理德陵加太子太傅軍
恩四代郡人榮之建八世一品坊公孤極品獨
惴惴焉盛滿是懼屢疏請解行務優詔不許一云爾
爲朕腹心耳目一云禁衛需人爾以才品簡用蓋
思廟倚信公深不欲聽公去也會梁太夫人年高公
將母情殷三疏乞終養始允癸未四月丁梁太夫
人艱擗躄悲慟絕而復蘇是冬舉襄遇大雨體素豐

碩不耐趨走獨芒屨扶橄匍匐泥淖中數十里道傍
觀者興嘆感泣甲申間燕京變慟哭不欲生悒悒成
疾遂至不起豈非公至性忠孝薄于榮利終身以名
節自勵而能若此哉與人交藹然如春溫而遇權貴
特立不撓在衛時如石齋黃公魯齋章公繫獄皆極
力保護實與兩公素無私交其他正人君子莫不多
方存濟全之于累囚考掠中無論謀面與否也謝事
里居歲當旱蝗煮粥給米疫癘繼作廣施棹輿貧人

傳

五

咸賴之而敦崇族誼尤切有私鬻文貞公特祠祭田
者公貸金贖之又置義田以賑宗族之貧乏其後家
日落而好施卒未嘗倦也先姑聰穎嚴肅閨門之內
相莊如賓幼習典訓凡公章奏間多爲屬草卽公忤
璫觸奸蓋亦相勗有素不獨治家精整而已公子七
人長傳次佐皆官生次侄府學生皆先姑出次僞宗
侃偉俱側室出咸以學業品行世其家云論曰吾讀
鄭端簡吾學編中若郭定襄王靖遠皆宏毅有文武